

ԳՅՈՒՂԱՑԻԱԿԱՆ ՌԵՖՈՐՄԻ ԱՌԱՆՋՆԱՀԱՏԿՈՒԹՅՈՒՆՆԵՐԸ ՀԱՅԱՍՏԱՆՈՒՄ

ՀԱՄԷ ԴՈՔ ԲՈՂԱԿԻՅ-ԱՆՊԱՄ Վ. Հ. ՌՇՏՈՒՆԻ

Հայաստանի, այն ժամանակի անվանումով՝ Սրեանի նահանգի գյուղացիական ռեֆորմը, ինչպես հայտնի է, կատարվել է 1870 թ. մայիսի 14-ի կանոնադրությամբ Ռուսաստանի 1861 թ. փետրվարի 19-ի և Վրաստանի 1864 թ. (Ռիֆլիսի նահանգի), 1865 թ. (Քութայիսի նահանգի) ռեֆորմների օրինակով, Ադրբեջանի հետ միասին (Բաքվի և Գանձակի նահանգներ) նույն օրենքով:

Հայտնի է, որ Հայաստանի համեմատությամբ թե՛ Ռուսաստանը և թե՛ Վրաստանը ցայտուն ճորտատիրական երկրներ էին, ինչ որ չի կարելի ասել Հայաստանի վերաբերմամբ, որտեղ ֆեոդալական հարաբերությունները թեև նիկոլաեյան Ռուսաստանի ճորտատիրական քաղաքականության հետևանքով XIX դարի 40-ական թթ. Կովկասի առաջին փոխարքա Մ. Ս. Վորոնցովի ժամանակ զգալի շափերով ճորտատիրական գծերով շփոթեցին, բայց ֆեոդալիզմի այդ սաստկացրած աստիճանի շատ գծերից այնուամենայնիվ ազատ մնացին:

Հենց այդ պատճառով էլ ցարական իշխանությունը թեև Ռուսաստանի և Վրաստանի գյուղացիական ռեֆորմների օրենքների հիմունքները տարածեց նաև Հայաստանի (և Ադրբեջանի) վրա, բայց անկարող եղավ բոլորովին անտեսել Հայաստանի սոցիալ-տնտեսական հարաբերությունների որոշ առանձնահատկությունները, ինչ որ իր արտահայտությունն է գտել Սրեանի նահանգի գյուղացիական ռեֆորմին վերաբերող Կանոնադրությունների մեջ, որոնցից առաջինը՝ 1870 թ. վերաբերում է այսպես կոչված «բարձր դասին» պատկանող կալվածատերերին, իսկ 1877 թ.՝ մնացած բոլորին, այսինքն՝ ոչ-ազնվական համարվող հողատերերին:

Քննենք, ուրեմն, այն հարցը, թե Ռուսաստանի և Վրաստանի Կանոնադրությունների համեմատությամբ ի՞նչ առանձնահատկություններ ունեն Հայաստանին վերաբերող օրենքը՝ ազատագրվող գյուղացիության տնտեսությանը կապիտալիստական ուղղությամբ զարգանալու որոշ հնարավորություններ չեն ձևավորվում: Այդ հարցի պարզաբանման համար հարկավոր է ելակետ ունենալ այն դրույթները, որ նշում է Վ. Ի. Լենինը Ռուսաստանի գյուղացիական ռեֆորմի կապակցությամբ ազատագրված ճորտերի տնտեսության անկաշկանդ զարգացման պայմանների համար:

Ահա այդ դրույթները:

«Գյուղացիական ռեֆորմը, — գրում է նա, — ճորտատերերի ձեռքով իրադրվող բուրժուական ռեֆորմ էր: Դա քայլ էր Ռուսաստանի բուրժուական միապետության վերածելու ուղիով: Գյուղացիական ռեֆորմի բովանդակությունը, բուրժուական էր. և այդ բովանդակությունը զրսևորվում էր այնքան ավելի ուժեղ, որքան ավելի լիչ էին կտրվում գյուղացիական հողերը, որքան

ավելի լիովին էին այդպիսիները անհատում կալվածատիրականից, որքան ավելի պակաս էր ձորտատերերին տրվող տուրքի չափը (այսինքն «ետ գնումը»), որքան ավելի ձորտատերերի ազդեցությունից ու մեղմումից ազատ էին տեղավորվում այս կամ այն վայրի գյուղացիները»¹։

Ինչ դրուժյան մեջ գրվեցին հողաբաժնի տեսակետից գյուղացիական ռեֆորմի հետևանքով Հայաստանի, Վրաստանի և բուն Ռուսաստանի (Վելիկոռուսիայի) կալվածատիրական գյուղացիները՝ Ըստ այդ երկրների Կանոնադրությունների «ազատագրված» գյուղացիների հողերի հափշտակում ամենից քիչ որտե՞ղ կատարվեց և դրա շնորհիվ ռեֆորմի բուրժուական բովանդակությունը որտե՞ղ ավելի ուժգնորեն երևան եկավ։

Վերհիշենք այդ մասին վկայող մի քանի տվյալներ։

1870 թ. Կանոնադրությունը Հայաստանի «բարձր դասին» պատկանող կալվածատերերին իրավունք էր տալիս պահել իրենց կալվածքների մեկ երրորդը, եթե գյուղացիական ամեն մի ծխին 15 ղեսյատինի փոխարեն ընկներ միայն 7,5 ղեսյատին հողաբաժին, իսկ խիստ սակավահող կալվածներում ոչ-պակաս քան 30 ղեսյատին հող։ Ոչ բարձր դասին պատկանող կալվածատերերը 1877 թ. սեպտեմբերի 5-ի Կանոնադրության համաձայն իրավունք չունեին իրենց պահել ոչ կալվածի հողերի մեկ երրորդը, ոչ էլ 30 ղեսյատին հող, եթե գյուղացու ծխի բոլոր արական անդամները հնգական ղեսյատին հողով չէին ապահովվել։

Անհամեմատ ավելի արտոնյալ դրուժյուն էր ստեղծված Խիֆլիսի և Քուբայիսի նահանգների կամ Վրաստանի ազնվականության համար իրենց «ազատագրված» ձորտերին հողաբաժնով ապահովելու գործում։ Ըստ այդ նահանգների Կանոնադրությունների վրաց կալվածատերերն իրավունք էին ստանում պահելու իրենց հողերի կեսը, անկախ այն բանից, թե ինչքան էր ապահովվում գյուղացու հողաբաժնի միևնույնը։ Իսկ բավական մեծաքանակ մանր ազնվականներին իրավունք էր վերապահված իրենց ձորտերին «ազատագրել» ռուսական տնային ձորտերի պայմաններով, այսինքն՝ առանց հողաբաժնի։ Իսկ խիզանների, Վրաստանի այդ հողազուրկ և կալվածատերերի հողի վրա բանավոր համաձայնությունը ապրող գյուղացիների վերաբերմամբ կալվածատիրական կամայականությունը մնացել էր անձեռնմխելի, այսինքն՝ նրանք կարող էին հողից զրկվել ուղած ժամանակ։

Պակաս արտոնություններ չէին ստացել վելիկոռուսական կալվածատերերն իրենց նախկին ձորտերի հողաբաժինները կրճատելու մեջ «ազատագրումից» հետո. հիշենք նշանավոր «отрезка»-ները, նրանց կալվածի մեկ երրորդը, նույնիսկ կեսն իրենց պահելու իրավունքը, տնային ձորտերին առանց հողաբաժնի ազատագրելու. իրենց գյուղացիներին բաժանված նորմայից պակաս հողաբաժին տալու և հողաբաժին չունեցող գյուղացիներին առանց հողի թողնելու մանր կալվածատերերի արտոնությունը, նաև այլ կամայականություններ գյուղացուն հողաբաժին տալու կամ նրան իր հողաբաժնից այլ տեղ փոխադրելու կալվածատիրական արտոնությունը և այլն։

Այնպես է, որ վրացական և ռուսական կալվածատերերը գյուղացիական ռեֆորմի Կանոնադրություններով իրենց ձորտերի հողաբաժինները կրճատելու անհամեմատ ավելի մեծ արտոնություններ ստացան, քան Հայաստանի ամեն

¹ Վ. Ի. Լենին, Երկեր, հատ. 17, Երևան, 1950, էջ 131—132,

կարգի հողատերերը, մանավանդ ոչ-բարձր դասին պատկանողները: Այս հանգամանքը թույլ է տալիս նշելու, որ հողաբաժնի հարցում Հայաստանի գյուղացիական ռեֆորմի Կանոնադրության մեջ բուրժուական բովանդակությունն ավելի շոշափելի է երևան գալիս, քան վրացականում, նույնիսկ ուսումնականում:

Այդ հանգամանքն ավելի շոշափելի կլինի, եթե նկատի ունենանք, թե Հայաստանում ու Վրաստանում գյուղացիական հողաբաժնի իրական չափը և համապատասխան Կանոնադրություններով սահմանված հողաբաժինների նորման ինչ մեծություն էին կազմում և ինչքան էին տարբերվում իրարից: Այսպես, Թիֆլիսի նահանգի 1864 թ. Կանոնադրությամբ գյուղացու հողաբաժինը սահմանված էր ամեն մի ծխի համար 5-ից մինչև 10 դեսյատին, իսկ ամեն մի ծխի փաստական հողաբաժինը կազմում էր 3,7 դեսյատին. Քութայիսի նահանգի համար համապատասխան տվյալները հետևյալն են՝ 1865 թ. Կանոնադրությամբ սահմանված նորման 5 դեսյատին, փաստականը՝ 2,5 դեսյատին:

Հայաստանում (Երևանի նահանգում) մեկ ծխի հողաբաժինը սահմանված էր 15 դեսյատին, իսկ փաստականը կազմում էր միջին հաշվով 5,7 դեսյատին: Տարբերությունն ակնհայտ է և հագուտ Երևանի նահանգի գյուղացիների. եթե հիշենք, որ վրացական կալվածատերերի պահանջով գյուղացիական հողաբաժինը ենթակա էր նոր մասնարկման (разверстанне), իսկ դաստակերտը (усадебка) նույնիսկ տեղափոխման (перенесение), այն ժամանակ լիովին կպարզվի, որ հողաբաժնի հարցում վրացական «ազատագրված» գյուղացիությունն ավելի մեծ կողոպուտի ենթարկվեց և ավելի մեծ չափով կալվածատերանրա հողաբաժնի և դաստակերտի վրա տնօրինություն անելու իրավունք ստացավ: Այս նույն ոգով է կազմված Ռուսաստանի (վելիկոռուսական նահանգներ) 1861 թ. Կանոնադրությունը, ավելի ճիշտ՝ վրացական Կանոնադրություններն այդ հարցերում կրկնում ու ամրապնդում են ուսական օրենքն իրենց «ազատագրված» ճորտերի նկատմամբ:

Ուշադրության արժանի է նաև մի ուրիշ հանգամանք: Վրացական կալվածատերերն իրավունք ունեին իրենց հողերին միացնել գյուղացիական հողաբաժինը՝ եթե գյուղացու ընտանիքը անժառանգ էր մնում, կամ գյուղացին գյուղական դասից դուրս էր գալիս (ВЫХОД ИЗ СЕЛЬСКОГО СОСТОЯНИЯ), կամ թե պարհակները կատաբում էր անճշտասլահությունը:

Այդ բոլոր դեպքերում Հայաստանի կալվածատերերի իրավունքներն ավելի սահմանափակ էին. նշված հանգամանքների հետևանքով ազատ մնացած հողերի վրա իրավունք ունեւ առաջին հերթին գյուղական հասարակությունը և միայն այն ժամանակ, երբ նա հրաժարվում էր օգտագործել իր իրավունքը, այդպիսի հողաբաժիններն անցնում էին կալվածատիրոջը:

Մի ուրիշ կողմով էլ 1870 թ. մայիսի 14-ի Կանոնադրությունը խախտում էր Ռուսաստանի գյուղացիական ռեֆորմի ճորտատիրական գիծը. գյուղացիական հողաբաժիններն այդ Կանոնադրության համաձայն կանոնադրեր (уставные грамоты) կազմելուց հետո ամրացվում էին գյուղացիներին՝ ամեն մի ծխի մշտական օգտագործման համար, վերացվում էին մինչև այդ գոյություն ունեցող հողի պարբերական վերաբաժանումները (переделы), այսինքն՝ վերացվում էր հողից օգտվելու համայնական կարգը և թույլատրվում էր հողի անցումը մեկից մյուսին, ուրեմն հնարավորություն էր ստեղծվում, որ գյուղա-

ցու տնտեսությունը ներգրավվի բուրժուական հողային հարաբերությունների ոլորտը:

Իսկ 1861 թ. փետրվարի 19-ի Կանոնադրությամբ ցարական իշխանությունն իր ֆիսկալ նկատառումներով և կալվածատերերի իշխանությունն ու հսկողությունը գյուղացիության վրա անխախտ պահելու հաշիվներով պարտադիր դարձրեց գյուղական հողային համայնքի պահպանումը, հետևաբար օրինական կարգով արգելեց հողի անցումը ձեռքից-ձեռք և դժվարացրեց բուրժուական հարաբերությունների ազատ զարգացումը գյուղացիական տնտեսության մեջ: Ցարիզմի պետական կիսաճորտաաիրական շահերը և կալվածատերերի ռեակցիոն տրամադրություններն այդ դիպքում պերագաս ճանաչվեցին: Այդ երկու հանգամանքն էլ վճռական դեր չէին կարող խաղալ 1870 թ. ռեֆորմի ժամանակ Հայաստանում (և Ազրեջանում): Այդտեղ գյուղացու հողաբաժնի հետդնումը կատարվելու էր առանց պետության դրական օժանդակության, իսկ տեղական կալվածատերերի իշխանությունը գյուղում ամուր պահելու ձգտումն ամենեին չէր մտնում գաղութատերերի հաշիվների մեջ, առանց այն էլ ցարիզմը նրանց մեծ արտոնություններ էր տվել, գյուղացիական ռեֆորմի հարցում նրանց իրենց իրավունքներով գրեթե հավասարեցնելով ռուս և վրացի ազնվական կալվածատերերին:

Այսպես ուրեմն, Հայաստանի, Վրաստանի և Ռուսաստանի Կանոնադրությունների գյուղացիական հողաբաժնին վերաբերող գրույթների համեմատական շարադրանքը ակներև է դարձնում, որ 1870 թ. օրենքը ավելի քիչ հնարավորություն էր տալիս Երևանի (նաև Բաքվի ու Գանձակի) նահանգի կալվածատերերին քչ միայն ավելի փոքր չափով կրճատել գյուղացիական հողաբաժինը, այլև այդ հողաբաժնից օգտվելու մեջ էլ գյուղացիների համար ավելի քիչ արգելքներ էր ստեղծում: Ուստի բայմականաչափ հիմք ունենք ասելու, որ այդ ամենում Հայաստանի գյուղացիական ռեֆորմի բուրժուական բովանդակությունն ավելի ցցուն է երևան գալիս, քան Վրաստանի ու նույնիսկ Ռուսաստանի ռեֆորմներում:

Ինչպես էր դրությունը «ազատագրված» գյուղացիների վրա ծանրացած պարհակների և տուրքերի տեսակետից: Քանի որ Անդրկովկասի գյուղացիները, ինչպես մեզ արդեն հայտնի է, մինչև 1912 թ. մնացին ժամանակավոր պարտապանի կամ ժամանակավոր կախյալի վիճակում և հետզհետե տեղի էր ունենալու 1912 թ. դեկտեմբերի 20-ի օրենքով, այդ պատճառով էլ հնարավոր է Հայաստանի գյուղացիների վրա ծանրացած տուրքերի չափի համեմատական բնություն կատարել, նկատի ունենալով Ռուսաստանի «ազատագրված» գյուղացիների ժամանակավոր պարտապանի տարիների տուրքերը: Ահա այդ մասին եղած տվյալները Վրաստանի, Ռուսաստանի և Հայաստանի նկատմամբ:

Վրաստանի 1864 և 1865 թթ. Կանոնադրությունների համաձայն ժամանակավոր-պարտապան գյուղացիների ամեն մի ծուխ իր հողաբաժնից օգտվելիս կալվածատիրոջ համար պետք է կատարեր հետևյալ նստուրալ պարհակները՝ պտղատու ծառերի այգիներից, խաղողի այգիներից և վարելահողերից բերքի 1/4-ից մինչև 1/3-ը, խոտհարքներից՝ 1/3-ը, իսկ դաստակերտի համար պետք է վճարեր 3-ից մինչև 6 ռուբլի դրամական տուրք:

1861 թ. փետրվարի 19-ի Կանոնադրությունը ժամանակավոր պարտապան գյուղացիների ամեն մի շնչի հողաբաժնի համար սահմանում էր դրամական

տուրք 8-ից մինչև 12 ոտլբու շափով, ապա կոո՝ դրեթն մինչև ֆորմյան ժամանակների շափերով ու ձևերով, թեև թույլատրվում էր գյուղացիներին կոոի փոխարեն դրամական տուրք վճարելու անցնել, հաղթահարելով կալվածատերերից հարուցվող շատ դժվարություններ:

1870 թ. մայիսի 14-ի Կանոնադրությամբ սահմանված պարհակները Հայաստանի (և Ադրբեջանի) ժամանակավոր-կախյալ գյուղացիների համար համեմատաբար քիչ էին. նատուրալ պարհակների շափը Հայաստանում կազմում էր վարելահողի ամբողջ բերքի 4/30, իսկ Ադրբեջանում 1/10 մասը. կոոի փոխարեն նշանակված էր դրամական տուրք դաստակերտի և վարելահողի ամեն մի դեսյատինի համար 15 կամ 30 կոպեկ: Հայաստանում գանձվում էր նաև կալվածատերերի օգտին բանջարանոցներից և բոստաններից 80 կոպեկ և այգիներից 1ռ. 20 կ.՝ ամեն մի 360 քառ. սաժեն տարածությունից:

Բացի կալվածատերերին տրվող տուրքերի ղզալի թիթևությունից, Հայաստանի կալվածատիրական գյուղացիությունը վրացական և ռուսական գյուղացիության համեմատությամբ դրեթն ազատ էր տուրքերի վճարման համար այնտեղ սահմանված համապարտ երաշխավորությունից, որի շնորհիվ վրացական և ռուսական գյուղացիության վրա ծանրացած էր մնում ճորտատիրական բնույթ կրող այդ ծանր լուծը: 1870 թ. Կանոնադրությամբ համապարտ երաշխավորությունը նախկին կալվածատիրական գյուղում շատ նեղ շրջանակներում էր պահպանված և վերաբերում էր միայն այն հողաբաժիններից գաճավող տուրքերին, որոնք զանազան պատճառներով ժամանակավորապես գտնվում էին գյուղական հասարակության տրամադրության տակ: Ավելացնենք նաև, որ 1870 թ. Կանոնադրությամբ վերացված էին կոոը, կամ այսպես կոչված «պարտադիր աշխատանքի օրերը», որոնց փոխարեն, ինչպես նշվեց վերելում, սահմանված էր դրամական տուրք:

Կալվածատիրական տուրքերի գանձման մյուս հարցերում 1870 թ. Կանոնադրության մեջ կամ կրկնված էին վրացական և ռուսական օրենքների բոլոր կիսաճորտատիրական միջոցառումները, կամ փաստապես ուժի մեջ էին թողնված պարհակների կատարման մինչև ֆորմյան ձևերը, որ անփոփոխ մնացին մինչև 1912 թ., ինչպես, օրինակ, նատուրալ պարհակներից դրամականին անցնելը և այլն:

Այսպես ուրեմն, կարելի է ականբեր համարել այն իրողությունը, որ Հայաստանի (և Ադրբեջանի) «ազատագրված» կալվածատիրական գյուղացիությունը հողաբաժնի և նատուրալ ու դրամական տուրքերի շափերի հարցում համեմատաբար տանելի պայմաններում գրվեց 1870 թ. Կանոնադրությամբ, քան հարևան վրացական գյուղացիական մասսան և մետրոպոլիտյի վելիկո-ռուսական նահանգների գյուղացիությունը: Այդ հանգամանքն ավելի նպաստավոր պայմանների կարող էր ստեղծել Հայաստանի գյուղացիության՝ բուրժուական տնտեսական զարգացման ուղիով ընթանալու համար, քան, օրինակ, այդ հնարավոր էր նշված երկու կետում էլ կալվածատերերից ավելի մեծ կախման մեջ ընկած վրացական գյուղացիության համար, նույնիսկ ռուսական գյուղացիության համար, եթե ուրիշ կարգի հանգամանքներ չգային շեղոքացնելու այդ նպաստավոր պայմանների ներգործությունը:

Այդ կարգի հանգամանքներից առաջին հերթին կանգ առնենք գյուղացիական հողաբաժնի հետզնման հարցի լուծման այն կարգի վրա, որ սահմանված

էր 1870 թ. մայիսի 14-ի Կանոնադրությամբ: Գյուղացիներին իրավունք էր վերապահված նաև առանց կալվածատիրոջ համաձայնության իրենց հողափառութիւնների հետգնում պահանջել, ինչ որ չկար, օրինակ, ռուսական (վելիկոռուսական) Կանոնադրության մեջ, որի համաձայն հետգնումը կարող էր տեղի ունենալ միայն կալվածատիրոջ համաձայնությամբ: Հենց դրա շնորհիվ էլ ռուսական աղնվականության մի զգալի մասը գյուղացիական հողափառների հետգնումը երկու տարվա փոխարեն երկարաձգեց ամբողջ քսան տարի, մինչև 1880-ական թթ. սկիզբը, երբ կառավարությունն ստիպված եղավ պարտադիր դարձնել հետգնումը և ժամանակավոր պարտապանի դրության մեջ մնացած ամբողջ գյուղացիության մոտ 20 տոկոսը միայն 1883 թ. սկզբին վերջացրեց իր հողափառների հետգնումը և նրա սեփականատերը դարձավ:

Բայց Հայաստանի (և Ադրբեջանի) կալվածատիրական գյուղացիությանը տրված այդ արտոնությունը լիովին անարդյունք մնաց, քանի որ 1870 թ. Կանոնադրությունը գյուղացու հողափառների հետգնման համար չէր նախատեսում պետական դրամական օժանդակություն, թողնելով այդ գյուղացու և կալվածատիրոջ փոխադարձ համաձայնության, նաև պարտադիր ժամկետ չնշանակելով հողափառների հետգնումը ավարտելու համար: Այդ պատճառով թեև կանոնագրերի կազմելը հիմնականում երկու տարվա ընթացքում ավարտվեց, բայց հողափառների հետգնման գործարքն իբրև կանոն տեղի չունեցավ ամբողջ քառասուն տարի ոչ միայն Հայաստանում (և Ադրբեջանում), այլև մասամբ Վրաստանում, թեև վերջինում հետգնման պայմանները մի փոքր այլ էին: Այնտեղ վարելահողերի հետգնման համար նախատեսվում էր պետական դրամական աջակցություն, բայց ինչպես այդ հողերի, այնպես էլ դաստակերտների հետգնման համար անհրաժեշտ էր համարվում կալվածատիրոջ համաձայնությունը, իսկ պտղատու ծառերի այգիների և խաղողի այգիների հետգնման համար գյուղացիներին պետական դրամական աջակցություն չէր տրվում: Եվ քանի որ Վրաստանում, ինչպես նշվեց վերևում, գյուղացիների նատուրալ պարհակները շատ մեծ էին, կալվածատերերը շահագրգռված էին սլահպանել ժամանակավոր պարտապանի դրությունը և հետգնումը կազմակերպելու համաձայնություն չէին տալիս:

Իսկ Հայաստանի (և Ադրբեջանի) համար ցարական շինովնիկների հաշիվներով գյուղացու հողափառների հետգնման ախպիսի գումարներ էին ստացվում, որ ոչ միայն վեր էին գյուղացիների նյութական հնարավորություններից, այլև շփոթություն էին առաջ բերում անգամ Անդրկովկասի կառավարական շրջաններում, որոնք չէին գտնում այլ ավելի լավ միջոց, քան հետաձգել հարցի լուծումը, իբր թե հողափառների գնահատման և հետգնման գումարների որոշման այլ եղանակներ մշակելու համար, և ցարական իշխանության անշտապ տեմպերով գործը քաշքշվեց մինչև... 1912 թ.:

Այսպիսով, ամբողջ Անդրկովկասում գյուղացու հողափառների հետգնման հարցը փաստապես լուծում չստացավ և գյուղացիական ռեֆորմի հիմնական հարցերից մեկը չկարգավորվեց նույնիսկ ցարական կիսաճորտատիրական ռեֆորմի շրջանակներում. «Ազատագրված» գյուղացիությունը մնաց ժամանակավոր պարտապանի (Վրաստան) կամ ժամանակավոր կախյալի (Հայաստան և Ադրբեջան) դրության մեջ՝ իր հողափառների սեփականատերը չդառնալով թեկուզ ծանր փրկավճարով: Ուրեմն, ինչպես լենինն է ասում, գյուղացու հո-

ղերի զատումը չկատարվեց և ձորտատերերի ազդեցությունից ու ձնշումից ազատ չկարողավորվեց նրա տնտեսությունը: Այդ կողմից Անդրկովկասի գյուղացիական ռեֆորմի բուրժուական էության դրսևորումը չէր կարող շարգեկավել կալվածատերերի կիսաձորտատիրական իրավունքների պահպանումով՝ գյուղացիության վրա:

Չի կարելի հաշվի չառնել, սակայն, այն հանգամանքը, որ Հայաստանի կալվածատիրական գյուղացիության վրա համեմատաբար թույլ էր ձորտատիրական լուծը, այդ պատճառով, օրինակ, վրացական «ազատագրված» գյուղացիության համար ժամանակավոր պարտապանի դրությունը շատ ավելի կաշկանդիչ բեռ էր, քան Հայաստանի, գուցե և Ադրբեջանի, գյուղական մասսայի համար:

Այսպես օրինակ, Ռուսաստանի նման Վրաստանի ժամանակավոր պարտապան գյուղացիների վրա փաստորեն մասամբ պահպանվեց կալվածատիրոջ վոտչինային իրավունքը, իսկ Հայաստանի գյուղացիներն ազատվեցին կալվածատերերի ոստիկանական խնամակալությունից, որ, ի դեպ ասած, հենց ցարիզմն էր մտցրել հայկական գյուղում 1840-ական թթ. իր ձորտատիրական քաղաքականության տարիներին փոխարքա Մ. Ս. Վորոնցովի ջանքերով:

Նշենք նաև, որ 1861 թ., սյուինքն Հայաստանի (և Ադրբեջանի) գյուղացիական ռեֆորմից առաջ, մտցված գյուղական ինքնավարությունը ևս անմիջականորեն ենթակա չէր կալվածատերերին, այլ փաստապես հանդիսանալով պետական ոստիկանական իշխանության գործիքը, ավելի շատ ծառայում էր ցարական գաղութարարների վարչական նպատակներին, քան նրանց տեղական գործակալների շահագործական նկրտումներին:

Մենք փորձեցինք համեմատական քննության առնել և զուգահերել 1870 թ. մայիսի 14-ի կամ Հայաստանի (և Ադրբեջանի) գյուղացիական ռեֆորմի Կանոնադրության մի քանի էական կետերը Ռուսաստանի վելիկոռուսական նահանգների 1861 թ. և Վրաստանի 1864 և 1865 թթ. Կանոնադրությունների համապատասխան կետերին, ելակետ ունենալով Վ. Ի. Լենինի ցուցումները:

Ակներև պետք է համարել, որ Հայաստանի (և Ադրբեջանի) կալվածատիրական գյուղացիությունը հողաբաժնի հարցում ընդհանուր առմամբ ավելի քիչ կողոպուտի ենթարկվեց և ավելի մեծ հողաբաժին ստացավ, քան հատկապես վրացական նախկին ձորտ մասսան կամ, Վ. Ի. Լենինի բառերով ասած, ընդհանուր առմամբ համեմատաբար «ավելի քիչ կրճատվեցին գյուղացիական հողերը», թեև լրիվ շանջատվեցին կալվածատիրականից:

Հայաստանի կալվածատիրական գյուղացու վրա ծանրացած նատուրալ և դրամական տուրքերն էլ համեմատաբար ավելի փոքր էին, քան Վրաստանում և նույնիսկ Ռուսաստանում:

Հայաստանում (և Ադրբեջանում) «ազատագրված» գյուղացիության վրա գրեթե վերացավ կալվածատերերի իշխանության անմիջական լուծը, իսկ Վրաստանում և Ռուսաստանում այս կամ այն ձևով պահպանվեց կալվածատերերի ոստիկանական հսկողության իրավունքն իրենց նախկին ձորտերի վրա և այլն:

Բայց Հայաստանի (և Ադրբեջանի), նաև մասամբ Վրաստանի գյուղացիությունը Ռուսաստանի համեմատությամբ հողաբաժնի հետզնման հարցում ավտթարագույն պայմաններում դրվեց, ցարական ռեֆորմն այստեղ չավարտվեց և ժամանակավոր պարտապանի դրությունը Վրաստանում, իսկ ժամանա-

կալոյ-կախյալի դրութիւնը Հայաստանում (և Աղբրեջանում) մնաց իր ուժի մեջ ռեֆորմից հետո: գրեթէ ամբողջ կես դար:

Հայաստանի գյուղացիական ռեֆորմին նվիրված մեր մենագրութեան մեջ այս հարցերի կապակցութեամբ մենք հետեւյալ եզրակացութեանն էինք հանգել. «Բայց որովհետեւ Հայաստանում (և Աղբրեջանում) այնուամենայնիւ գյուղացիների կախումն իրենց կալվածատերերից անհամեմատ ավելի թույլ դարձավ, քան Վրաստանում և Ռուսաստանում, այդ պատճառով նույնիսկ հետզհետեւ չիրականացումը չի խանգարում խոսել այն մասին, որ Հայաստանի գյուղացիական ռեֆորմն ավելի բուրժուական բնույթ ունի ոչ միայն վրացականի, այլև անգամ ռուսականի համեմատութեամբ»²:

Այդ եզրակացութիւնը, հատկապէս Ռուսաստանի վերաբերմամբ, վերաւայման կարիք ունի: Դրա մասին մեր սովետահայ պատմագիտական գրականութեան մեջ կան արդարացի բնագիտական դիտողութեաններ, որոնց անդրադարձել ենք մի այլ կապակցութեամբ և ճշտել այդ եզրակացութեան ձեւակերպումը:

Այժմ միայն նշենք, որ թեւ Հայաստանի (նաև Աղբրեջանի) գյուղացիական ռեֆորմն ամբողջովին կենսագործվեց ցարիզմի միջոցով ու նրա անդրկովկասյան շինովնիկների մշակած ծրագրով, բայց անգամ նրանք անկարող էին անտեսել այն առանձնահատկութիւնները, որ բնորոշ էր Հայաստանի գյուղի համար: Չէ՞ որ նրա գյուղում ռեֆորմի շրջանում գոյութեամբ շուրջին ճորտատիրական ձեւակերպված հարաբերութիւններ, իսկ դրանց առկա մի շարք գծերը հիմնականում ցարիզմի XIX դարի կեսերի ճորտատիրական քաղաքականութեան արդյունք էին: Ցարիզմն ստիպված էր Հայաստանի կալվածատիրական գյուղացիութեան այդ հատուկ դրութիւնն ընդգծելու համար նրանց անվանել կալվածատերերի հողի վրա ապրող «պետական շինականներ», իսկ ներանց տերերին չհավասարեցնել իրենց դասային իրավունքներով ռուս և վրացի ազնվականներին: Այդ պատճառով էլ Հայաստանի (նաև Աղբրեջանի) գյուղացիական ռեֆորմի Կանոնադրութիւնների մեջ թեւ շատ բան կազմված է Ռուսաստանի և Վրաստանի ճորտատիրական Կանոնադրութիւնների ոգով, բայց նկատելի են նաև որոշ գծեր, որոնք բուրժուական զարգացման համար որոշակիորեն ավելի նպաստավոր պայմաններ կարող էին ստեղծել Հայաստանի գյուղում:

Բայց ցարիզմն իր ճորտատիրական էութեանը հավատարիմ մնաց և այդ դեպքում. մի ձեռքով գրածը ջնջեց մյուս ձեռքով: Հայաստանի (և Աղբրեջանի) «ազատագրված» գյուղացին զրկվեց օրենքով իրեն տրված հողաբաժինը, թեկուզ փրկվածարով, գնելու հնարավորութիւնից: Ռեֆորմից հետո գրեթէ կես դար, մինչև 1912 թ., նա մնաց ժամանակավոր-կախյալ գյուղացու դրութեան մեջ, որովհետեւ ցարիզմը, ի տարբերութիւն Ռուսաստանի, Հայաստանի գյուղացուն իր հողաբաժինը կալվածատիրոջից գնելու համար նյութական օժանդակութիւն չտվեց, ուրիշ խոսքով՝ գյուղացին անկարող եղավ գնել իր հողաբաժինը և ստիպված եղավ իր տերերի համար կատարել գրեթէ այն բոլոր ֆեոդալական պարտականքները, ինչ որ մինչև ռեֆորմը:

² В. Рштуни, Крестьянская реформа в Армении в 1870 г., Ереван, 1917, էջ 265.

Ահա Հայաստանի գյուղացիական ռեֆորմի գլխավոր առանձնահատկությունը մասնավորապես Ռուսաստանի ռեֆորմի համեմատությամբ: Այդ չէր կարող իր որոշ կաշկանդիչ նշանակությունը չունենալ Հայաստանի գյուղի կապիտալիստական դարգացման համար մյուս համագամանքների շարքում, մասնավորապես ցարիզմի գաղութային քաղաքականության ակներև իրողության պայմաններում, նաև այն պարագայի շնորհիվ, որ գյուղացիական ռեֆորմը Հայաստանում վերաբերում էր գյուղացիության համեմատաբար փոքր մասին, ոչ ավելի քան 16—18 տոկոսին:

ОСОБЕННОСТИ КРЕСТЬЯНСКОЙ РЕФОРМЫ В АРМЕНИИ

Член-корр. АН Арм. ССР В. А. РШТУНИ

(Р е з ю м е)

Крестьянская реформа в Армении в 1870 г. хотя в общем была проведена на основании принципов полукрепостнических «Положений» в России и Грузии, но в ней имеются некоторые особенности. Так, меньше были отрезаны наделы крестьян, сравнительно малы были натуральные и денежные сборы с них, свободнее ст влияния помещиков устраивались крестьянские общества и их самоуправления. По «Положению» 1870 г. было упразднено общинное землепользование и введено подворное владение, что, конечно, не могло не способствовать более быстрому развитию капиталистических отношений в армянской деревне.

Но вместе с тем «Положением» 1870 г. не было предусмотрено государственного содействия за выкуп крестьянского надела, хотя крестьянам было предоставлено право требовать выкуп без согласия помещика. Именно из-за этого как в Армении, так и во всем Закавказье выкуп не был осуществлен до 1912 г., и крестьяне оставались в положении временно-обязанных или временно-зависимых.